



Inatsisartunut ilaasortaq
Aleqa Hammond
Siumut

Nunat Avannarliit Killiit Siunnersuisoqatigiivisa kaammattuutaat nr. 1/2009 pillugu § 37 tunngavigalugu apeqqummut nr. 201-imut akissut

20 september 2012
Sagsnr. 2012-072924
Dok. Nr. 1015797

Asasara Aleqa Hammond,

Inatsisartut suleriaasianni § 37, imm. 1 innersuussutigalugu Naalakkersuisunut imatut apeqquteqarputit: Nunat Avannarliit Killiit kaammattuutaata nr. 1/2009 pivi-usunngortinnissaa qulakkeerniarlugu Naalakkersuisut sunik isumaqatigiissuteqarpat suliniuteqarlutillu?

Postboks 1029
3900 Nuuk
Tlf: +299 34 50 00
Fax: +299 32 20 73
Email: lin@nаноq.gl
www.nаноq.gl

Akissut: Nunat Avannarliit Killiit Siunnersuisoqatigiivisa kaammattuutaat nr. 1/2009 pillugu Inatsisartut aalajangiinerisa kinguneranik Nunat Avannarliit Killiit ineriartortitsineq aallartippaat, tassani ilinniarnertuunngorniarni ilinniagaqartunik paarlaasseqatigiittarnissamut periarfissat Savalimmiut, Islandip Kalaallillu Nunaata akornanni misissorneqarluni.

November 2010: Nunani pineqartuni ilinniartitaanermut ministeriaqarfiit attavigineqarput, aammalu 2012-imi upernaakkut atuarfiit ilinniartitsisullu akornanni aallarniutaasumik ataatsimiittoqarluni, tassani ilaatigut siunertaallutik attaveqaqatigiiffiornissaq, ilinniartitaanerit sanilliunnissaat oqaatsitigullu aporfusinnaasut misissorneqarlutik.

September 2011: IIN Islandimit inassuteqaateqarfigineqarpoq taakkunanga paarlaasseqatigiittarnissamik periarfissat misissorlugit Reykjavíkimi ilinniarfiit aalajangersimasut tallimat attaveqarfigeqqullugit. Islandimi ilinniartitaanermut ministeriaqarfiup oqaatigaa Islandimi maannakkut aningaasaqarniarneq pissutigalugu suliniutinut taamaattunut aningaasalersuinissamut atatillugu Islandimi naalakkersuisut nangaassuteqartut. Taamaammattamassumunnga aningaasanik immikkoortitsisoqanngilaq.

Oktober 2011: Savalimmiuni ilinniartitaanermut ministeriaqarfiup ilinniarfiit ilisimatippai, suleqatigiinnissamillu siunnersuutigineqartumik atuarfiit taakku isumernissaannik qinnuigalugit. Tassunga atatillugu IIN tusagaqaqqinngilaq.

November 2011: Qaqortumi Sisimiunilu ilinniarnertuunngorniarniit suleqatigiinnermut atatillugu ilinniarfittut attaveqaataasussatut pingaarnertut toqqarneqarput.

December 2011: IIN aamma Savalimmiuni inuusuttut ilinniarfiat ungdomsuddannelse "Studentaskúlin og HF-skeiðið í Eysturoy" attaveqaqatigiipput, taassumalu siunnersuutigaa 2. G klassip ataatsip paarlaasseqatigiissutigineqassasoq.

Upernaaq 2012: Qaqortumi GU-mi ilinniartitsisup ataatsip ilinniartullu pingasut Islandimi ilinniarnertuunngorniarmut tikeraarnissaannik qinnuteqaat IIN-ip akueraa. Napparsimasoqarnerali pissutigalugu qinnuteqaat 7. September 2012-imi utertinneqarpoq. Angalaqatigiit siunertaraat nipilersorluni/erinarsorluni isiginnaagassiap "Angalaneq" ilaata takutinnessaa, ineriartortitseqqiinissamillu isumassarsiornissaq. Isiginnaagassiaq maannassineqarnikuvoq, 2012-imilu ukiakkut nunani avannarlerni ilinniarnertuunngorniarmi naapinneranni takutinneqassalluni.

Marts 2012: Ilinniartunik paarlaasinissaq pillugu Savalimmiunit nassuiaat. Nalilerneqarpoq inuusuttut naapinnissaat iluaqutaassasoq, tassani nunat taakku marluk danskit oqaasii allat oqaasiit siullertut oqaaseralugit/ilitsequssaralugu oqaasit aappaattut oqaaseralugit. Taaamaalilluni oqaasitigit aperfissat ajornartorsiutaassanngillat. "Studentaskúlin og HF-skeiðið í Eysturoy"-imi ilinniartut nunanit allaneersut ilinniartut inaanni ineqarnissaat periarfissaqarluarpoq.

November 2012: Sisimiuni ilinniarnertuunngorniarmut ilinniartut marluk ilinniartitsisorlu ataaseq workshopimut atatillugu Islandimut pilersaarutaasutut tikeraarput. Workshopi workshopimik allamik suliniut "A healthy mind a healthy body" taaguutigalugu 2013-mi upernaakkut Sisimiuni ingerlanneqartussamik malitseqartinneqassaaq.

Tapersiinissamut periarfissat: Kalaallit Nunaanni ilinniartut ilinniagaqarnerisuteqarnissaat, Islandimut Savalimmiunullu angalanernut il.il. Kalaallit Nunaannit tapiiffigineqarnissaat maannakkut inatsisini periarfissaareerpoq. Taassuma saniatigit paarlaasseqatigiinnermi angalanernut annikinnerusunut Nordplusimit aningaasani qinnuteqartoqarsinnaavoq. 2012-imi kontomi 30.19.15-imi (Nunat Avannarliit Killiit Siunnersuisoqatigiiffiat (tapiissutitut aningaasaliissutit)) nunat avannarliit killiit kultureqarnermi, ilinniartitaanermi ilisimatusarnimillu suleqatigiinnerannut 282.000 kr.-it aningaasaliissutigineqarput. Konto taanna IKIIN-ip ataaniippoq, kisiannili aamma allaqqavoq ilinniartitaanermut ilisimatusarnermullu atorineqarsinnaasut, taamaammat taakku aallarnisaalluni paasiniaallunilu tikeraarnissamut ilaatigit atorineqarsinnaapput.

2012 upernaakkut aallarnisaalluni ataatsimiinnerit tunngavigalugit annertunerusumik suleqatigiinnissaq sulissutigineqarpoq.

Inussiarnersumik inuulluaqqusilluta

Med venlig hilsen



Palle Christiansen